



Broj: 02-05-17117-9/17  
Sarajevo, 27.04.2017. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 - Ispravka), člana 6. i 20. Zakona o ustanovama („Službeni list RBiH“, broj: 6/92, 8/93 i 13/94), člana 53. stav (4) Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), člana 11. Zakona o apotekarskoj djelatnosti („Službene novine Federacije Bosne i Hercegovine“, broj: 40/10) i člana 6. stav (1) Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo" ("Službene novine Kantona Sarajevo", broj: 7/12 i 33/13 – Ispravka), Vlada Kantona Sarajevo na **81.** sjednici, održanoj **27.04.2017.** godine, donijela je sljedeći

## ZAKLJUČAK

1. Utvrđuje se Prijedlog odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo".
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo donese odluku iz tačke 1. ovog Zaključka.

**P R E M I J E R**

**Elmedin Konaković**

Dostaviti:

1. Predsjedavajuća Skupštine Kantona Sarajevo
  2. Skupština Kantona Sarajevo
  3. Premijer Kantona Sarajevo
  4. Ministarstvo zdravstva
  5. JU "Apoteke Sarajevo"
- (putem Ministarstva zdravstva)
6. Evidencija
  7. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Na osnovu člana 13. stav (1) tačka b), člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), čl. 6. i 20. Zakona o ustanovama ("Službeni list RBiH", br. 6/92, 8/93 i 13/94), člana 53. stav (4) Zakona o zdravstvenoj zaštiti („Službene novine Federacije Bosne i Hercegovine”, br. 46/10 i 75/13), člana 11. Zakona o apotekarskoj djelatnosti („Službene novine Federacije Bosne i Hercegovine”, broj: 40/10) i člana 6. stav (1) Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo" ("Službene novine Kantona Sarajevo", br. 7/12 i 33/13 – Ispravka), Skupština Kantona Sarajevo na \_\_\_\_ sjednici, održanoj \_\_\_\_\_ 2017. godine, donijela je

## **PRIJEDLOG**

### **O D L U K U** **O IZMJENI ODLUKE O PREUZIMANJU PRAVA I OBAVEZA OSNIVAČA I** **USKLAĐIVANJU ORGANIZACIJE I POSLOVANJA** **JAVNE USTANOVE "APOTEKE SARAJEVO"**

#### **Član 1.** **(Izmjena člana 2. stav 2.)**

U Odluci o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo" ("Službene novine Kantona Sarajevo", br. 7/12 i 33/13 - Ispravka), u članu 2. stav (2) mijenja se i glasi:

"(2) Sjedište Apoteke je u Sarajevu na adresi Aleja Bosne Srebrene bb."

#### **Član 2.** **(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

Broj: \_\_\_\_\_  
Sarajevo, \_\_\_\_\_

**Predsjedateljica**  
**Skupštine Kantona Sarajevo**

**Prof. Ana Babić**

## O b r a z l o ž e n j e

### I – PRAVNI OSNOV

Pravni osnov za donošenje ove odluke je sadržan u članu 13. stav (1) tačka b), članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) kojim je utvrđeno da Kanton vrši nadležnost iz oblasti zdravstva, odnosno da Skupština Kantona donosi propise u okviru izvršavanja nadležnosti Kantona.

Članom 6. Zakona o ustanovama ("Službeni list RBiH", br. 6/92, 8/93 i 13/94) propisano je da osnivač donosi akte o osnivanju ustanove, a članom 20. navedenog zakona je propisano da ustanova može promijeniti sjedište uz saglasnost osnivača.

Članom 53. stav (4) Zakona o zdravstvenoj zaštiti ("Službene novine Federacije Bosne i Hercegovine", br. 46/10 i 75/13) propisano je da kanton može biti osnivač: bolnice, lječilišta, zavoda za javno zdravstvo kantona, zavoda za bolesti ovisnosti kantona, zavoda za medicinu rada kantona, zavoda kao specijalizirane zdravstvene ustanove, doma zdravlja, apoteke, ustanove za hitnu medicinsku pomoć i ustanove za zdravstvenu njegu u kući.

Članom 11. Zakona o apotekarskoj djelatnosti („Službene novine Federacije BiH”, broj: 40/10) je utvrđeno da apoteku zdravstvenu ustanovu može osnovati općina, kanton, domaće i strano fizičko, odnosno pravno lice u svim oblicima svojine.

Članom 6. stav (1) Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo" ("Službene novine Kantona Sarajevo", br. 7/12 i 33/13 – Ispravka) utvrđeno je da apoteka ne može vršiti statusne promjene (promjena naziva, sjedišta i druge promjene utvrđene zakonom), bez saglasnosti osnivača.

Prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo", pripremljen je u skladu sa Pravilima i postupcima za izradu zakona i drugih propisa Federacije Bosne i Hercegovine, („Službeni novine Federacije Bosne i Hercegovine“, broj: 71/14) i Uredbom o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11 - Novi prečišćeni tekst, 30/11 – ispravka i 23/15).

### II – RAZLOZI ZA DONOŠENJE ODLUKE

Javna ustanova "Apoteke Sarajevo" se obratila Ministarstvu zdravstva Kantona Sarajevo molbom da se da prethodna saglasnost za promjenu sjedišta ustanove.

U navedenoj molbi je navedeno da se promjena sjedišta vrši u cilju unaprjeđenja organizacije rada i efikasnijeg poslovanja JU „Apoteke Sarajevo", te iz tog razloga JU "Apoteke Sarajevo" planira uzeti pod zakup poslovni prostor u kome će biti sjedište Uprave i administrativnih službi, koje su do sada bile smještene na pet različitih lokacija (S.H. Muvekita 11, Bistrik Medresa 2, Grbavička 14B, Čekaluša 38, Bulevar Meše Selimovića 21).

Predmetni poslovni prostor koji se planira uzeti u zakup se nalazi u naselju Nedžarići u poslovnoj zgradi JU Studentski centar, na adresi Aleja Bosne Srebrene bb, a radi se o dijelu poslovne zgrade Objekta "A" Studentskog doma "Nedžarići", na IX spratu, ukupne površine 795 m<sup>2</sup>.

Objedinjavanjem Uprave i administrativnih službi na jednom mjestu, pored unaprjeđenja organizacije rada i efikasnijeg poslovanja, poboljšali bi se uslovi rada koji su trenutno nezadovoljavajući, a snizili bi se i troškovi za električnu energiju, grijanje, komunalije, zaštitu objekata, internet itd.

U dosadašnjem radu, Uprava i pomenute službe JU "Apoteke Sarajevo" su smještene na različitim lokacijama, i to:

- Uprava JU "Apoteke Sarajevo" smještena je u zakupljenom poslovnom prostoru, na adresi Saliha Hadžihusejnovića Muvekita br. 11, koji je vlasništvo Općine Stari Grad, ukupne površine 217 m<sup>2</sup>, a mjesečna zakupnina iznosi 2.742,00 KM. Prostor je po svojoj strukturi nefunkcionalan i

ne može se prilagoditi boljim uvjetima rada, a radilo bi se o ulaganjima u tuđa osnovna sredstva, što je neisplativo. S obzirom da ispred predmetnog prostora nije dozvoljeno niti je moguće parkiranje ili zaustavljanje službenih vozila, bili smo prinuđeni da uzmemo pod zakup 2 parking mjesta, uz mjesečnu zakupninu od 500 KM.

- Služba za nabavku i Služba za finansije i računovodstvo JU "Apoteke Sarajevo", smještene su na adresi Bistrik Medresa br. 2. Radi se o staroj, ruševnoj i dotrajaloj zgradi, koja ne ispunjava uslove za našu djelatnost i za čiju rekonstrukciju i sanaciju bi trebalo izdvojiti značajna materijalna sredstva, sa kojima JU "Apoteke Sarajevo" ne raspolaže. Prioritet su ulaganja u osnovnu djelatnost, a to su apoteke i galenska proizvodnja.

- Služba marketinga i Call centara, smještene su u dio poslovnog prostora Apoteke Grbavica, na adresi Gravička 14B, što se kosi sa dobrom apotekarskom praksom. Ukupna površina prostora iznosi 134,43m<sup>2</sup> i vlasništvo je Općine Novo Sarajevo, a mjesečna zakupnina iznosi 1.572,83 KM. Na ovaj način prostorni kapaciteti apoteke su na žalost skućeni. Izmještanjem ovih službi iz apoteke stvorile bi se pretpostavke za optimalan rad apoteke, prilagođen potrebama pacijenata.

- IT služba, kao i Služba logistike su smještene u dijelu Apoteke Čengić Vila, na adresi Bulevar Meše Selimovića br. 21, što se također kosi sa dobrom apotekarskom praksom. Napominjemo, da je u ovom prostoru smješten i Centar za palijativnu njegu, kao i Centar za medicinska pomagala. Izmještanjem ovih službi iz apoteke, i u ovoj apoteci stvorile bi se pretpostavke za njen optimalan rad, prilagođen potrebama pacijenata.

- Služba za istraživanje i razvoj je smještena na adresi Čekaluša 38, u poslovnim prostorijama vlasništvo Općine Centar, površine 35 m<sup>2</sup>, sa mjesečnim zakupninom u iznosu od 550,00 KM. I ovaj prostor je zbog vlage, koja se ni na koji način nije mogla ukloniti i trajno riješiti, neuslovan za boravak i rad.

Izvršenom analizom utvrđeno je da za gore navedene prostore, zakupnina i ostali zavisni troškovi na mjesečnom nivou iznose 9.488,00 KM.

U cilju iznalaženja odgovarajućeg prostora za Upravu i stručne službe JU "Apoteke Sarajevo", Upravni odbor je nakon ispitivanja tržišta nekretnina, kao ekonomski najpovoljniju ponudu prihvatio ponudu JU Studentski centar Sarajevo.

Radi se o dijelu poslovne zgrade, objekta "A" Studentskog doma "Nedžarići", na IX spratu objekta krila A i B, ukupne površine 795 m<sup>2</sup>. Navedena kvadratura obuhvata 22 kancelarije površine od po 16,80 m<sup>2</sup> i 17 kancelarija površine od po 12,40 m<sup>2</sup>. Prostorije imaju napajanje električnom energijom, razvedenu informatičku i telefonsku mrežu, sistem vatrodajave, prozore sa antiblast folijom - protuudarna i UV zaštita. Oba krila imaju po 2 mokra čvora (odvojena 1 muški i 1 ženski).

Prostorije se zagrijavaju i hlade centralnim sistemom grijanja, odnosno hlađenja, što znači da u svakoj prostoriji ima jedinica koja obavlja tu funkciju.

Sve prostorije imaju mogućnost uvezivanja telefonske i internet mreže, pojedinačno ili u sistemu.

U sklopu objekta postoje 4 konferencijske sale, kapaciteta od 10 do 50 mjesta, koje se stavljaju na korištenje JU "Apoteke Sarajevo" u skladu sa njegovim potrebama, po sistemu rezervacije i bez naknade.

U sklopu poslovnih prostorija obezbijeđeno je 20 parking mjesta, održavanje higijene i DDD mjere prostorija bez naknade. JU Studentski centar se obavezuje da održava električne instalacije (osim rasvjetnih tijela), instalacije grijanja i klimatizacije, instalacije vatrodajave i dostavi JU "Apoteke Sarajevo" akte JU "Studentski centar" Sarajevo o zaštiti od požara.

JU "Studentski centar" osigurava objekat "A" Studentskog doma "Nedžarići", a JU "Apoteke Sarajevo" može osigurati svoju pokretnu imovinu.

JU "Apoteke Sarajevo" bi bile u obavezi plaćati mjesečnu cijenu zakupa u iznosu od 10,00 KM/m<sup>2</sup> bez PDV-a. Na osnovu utvrđene jedinične cijena za m<sup>2</sup> JU "Apoteke Sarajevo" se obavezuje plaćati mjesečnu zakupninu u ukupnom iznosu od: ukupna površina x cijena 795 m<sup>2</sup> x 10,00 KM/m<sup>2</sup> = 7.950,00 KM (cijena bez PDV-a).

JU Studentski centar se obavezuje da nema pravo da iz bilo kojeg razloga povećava mjesečnu cijenu zakupa u toku vremenskog trajanja zakupnog odnosa.

Troškove redovnog održavanja i obezbjeđenja zakupljenih prostorija i objekta u cjelini snosi JU Studentski centar.

Cijena režijskih troškova (električna energija, gas, voda, odvoz smeća, servisnih ugovora: liftovi, klimatizacija, vatrodojava, čišćenje kruga zgrade od snijega i leda) iznosi 3,90 KM/m<sup>2</sup> sa PDV-om na mjesečnom nivou, odnosno JU "Apoteke Sarajevo" preuzima obavezu na plaćanje režijskih troškova za zakupljeni prostor u ukupnom iznosu od:

Ukupna površina 795 m<sup>2</sup> x 3,90 KM/m<sup>2</sup> = 3.100,50 KM (cijena sa PDV-om).

Cijena režijskih i ostalih troškova utvrđena na mjesečnom nivou vezana je za kvadraturu koja se iznajmljuje, kao i za prosječnu potrošnju energenata. Cijena režijskih troškova može biti predmet izmjene samo ukoliko dođe do promjene cijena energenata, uz uslov da za promjenu istih saglasnost daju Zakupac i Zakupodavac.

Ugovor o zakupu navedenog prostora bi se zaključio na određeno vrijeme za period koji predloži JU "Apoteke Sarajevo", sa mogućnošću njegovog produženja.

Takođe, zakup ne bi prestao kada treće lice, kupovinom ili po drugom osnovu, stekne od JU Studentski centar zgradu ili posebni dio zgrade u kojoj se nalaze zakupljene prostorije. U tom slučaju treće lice stupa u prava i obaveze Zakupodavca.

JU Studentski centar bi izvršio osiguranje od rizika od požara i nekih drugih rizika sa uključenim rizikom od izliva vode za cijelu ili dio zgrade u kojem se nalaze zakupljene poslovne prostorije.

Uz navedenu molbu, kao i obrazloženje razloga promjene sjedišta JU "Apoteke Sarajevo" dostavljena je Odluka Upravnog odbora JU „Apoteke Sarajevo”, o promjeni sjedišta JU „Apoteke Sarajevo” broj: 01-01-384-3/17 od 15.03.2017. godine, kojom se mijenja dosadašnje sjedište ustanove sa adrese Saliha Hadžihusejnovića Muvekita broj 11, Sarajevo, na adresu Aleja Bosne Srebrene bb, Sarajevo.

Imajući u vidu naprijed navedeno potrebno je da Skupština Kanton Sarajevo donese odluku u predloženom tekstu.

### **III - OBRAZLOŽENJE PREDLOŽENIH PRAVNIH RJEŠENJA**

U članu 1. ove odluke vrši se izmjena člana 2. stav (2) Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo" ("Službene novine Kantona Sarajevo", br. 7/12 i 33/13), tako da je utvrđeno novo sjedište JU "Apoteke Sarajevo" u Sarajevu na adresi Aleja Bosne Srebrene bb.

Članom 2. utvrđen je rok stupanja na snagu odluke i da će ista biti objavljena u Službenim novinama Kantona Sarajevo.

### **IV – FINANSIJSKA SREDSTVA**

Za sprovođenje ove odluke u budžetu Kantona Sarajevo nije potrebno obezbjediti posebna finansijska sredstva.



Broj: 09-02-16857/17  
Sarajevo, 25.04.2017. godine

KANTON SARAJEVO  
MINISTARSTVO ZDRAVSTVA

**PREDMET: Stručno mišljenje na prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo".-**

Na osnovu člana 2. Uredbe o Uredu za zakonodavstvo Vlade Kantona Sarajevo («Službene novine Kantona Sarajevo», broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa («Službene novine Kantona Sarajevo», broj: 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove "Apoteke Sarajevo", po pitanju njene usklađenosti sa odredbama ustava i pozitivno-pravnih propisa koji su navedeni u obrazloženju dostavljenog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst, 30/11-Ispravka i 23/15), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubić, dipl. pravnik



Web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1





Broj: 03-06-02-16856/17  
Sarajevo, 26.04.2017. godine

**MINISTARSTVO ZDRAVSTVA**  
gđa. Zilha Ademaj, ministrica

**PREDMET:** Prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove „Apotheke Sarajevo“, mišljenje –  
**VEZA:** Vaš akt, broj: 10-05-16781/17 od 21.04.2017. godine

Postupajući po vašem aktu, broj i datum gornji, a na osnovu člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11, 30/11 i 23/15), Ministarstvo pravde i uprave razmotrilo je prijedlog ove odluke i daje slijedeće

**MIŠLJENJE**

Prijedlog Odluke o izmjeni Odluke o preuzimanju prava i obaveza osnivača i usklađivanju organizacije i poslovanja Javne ustanove „Apotheke Sarajevo“ nije propis, već osnivački akt koji ne utiče na ostvarivanje prava zaštićenih odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:  
1. Naslovu;  
2. a/a.



Na osnovu člana 12, a u vezi sa čl. 5 stav (2) i 11. Statuta JU „Apoteke Sarajevo“, Upravni odbor JU „Apoteke Sarajevo“, na sjednici održanoj 15.03.2017 godine, d o n o s i

**ODLUKU**  
**o promjeni sjedišta JU „Apoteke Sarajevo“**

I

JU „Apoteke Sarajevo“ je upisana u sudski registar Općinskog suda u Sarajevu, pod matičnim brojem: 3-87, sa sjedištem na adresi Saliha Hadžihusejnović Muvekita broj 11, Sarajevo.

II

JU „Apoteke Sarajevo“ mijenja dosadašnje sjedište na adresi Saliha Hadžihusejnović Muvekita broj 11, Sarajevo, sa novom sjedištem na adresi Aleja Bosne Srebrene bb Sarajevo.

III

Ova odluka podijelje prethodnoj saglasnosti osnivača JU „Apoteke Sarajevo“.

**Obrazloženje:**

U cilju unaprjeđenja organizacije rada i efikasnijeg poslovanja, JU „Apoteke Sarajevo“ planira uzeti pod zakup drugi poslovni prostor u kome će biti sjedište Uprava i administrativne službe, koje su do sada bile smještene na pet različitih lokacija (S. H. Muvekita 11, Bistrik Medresa 2, Grbavička 14B, Čekaluša 38, Bulevar Meše Selimovića 21).

Predmetni poslovni prostor se nalazi u naselju Nedžarići, u poslovnoj zgradi JU Studentski centar, na adresi Aleja Bosne Srebrene bb. U naravi se radi o dijelu poslovne zgrade objekta "A" Studentskog doma "Nedžarići", na IX spratu, ukupne površine 795 m<sup>2</sup>.

Prostor se sastoji od 22 kancelarije površine od po 16,80 m<sup>2</sup> i 17 kancelarija površine od po 12,40 m<sup>2</sup>.

Objedinjavanjem Uprave i administrativnih službi na jednom mjestu, pored unaprjeđenja organizacije rada i efikasnijeg poslovanja, poboljšali bi se uslovi rada koji su trenutno nezadovoljavajući, a snizili bi se i režijski troškovi.

JU „APOTEKE SARAJEVO“

Dr. Haris Mujanović

Predsjednik upravnog odbora

.....

Dostavljeno:

- Ministarstvo zdravstva Kantona Sarajevó
- A/a



8/93 i 13/99



# SLUŽBENI LIST

## REPUBLIKE BOSNE I HERCEGOVINE

Godina I - Broj 6

Ponedjeljak, 15. juna 1992.  
SARAJEVOAkncija pretplate  
za 1992. godinu 3.900 dinara  
Žiro-račun 10100-603-1396

110

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

### UREDBU SA ZAKONSKOM SNAGOM O USTANOVAMA

#### OSNOVNE ODREDBE

##### Član 1.

Ustanova, u smislu ove uredbe, osniva se za obavljanje djelatnosti obrazovanja, nauke, kulture, fizičke kulture, zdravstva, dječije zaštite, socijalne zaštite, socijalne sigurnosti i drugih djelatnosti utvrđenih zakonom, ako cilj obavljanja djelatnosti nije stvaranje dobiti.

Ustanova ima svojstvo pravnog lica.

##### Član 2.

Ustanovu može osnovati domaće odnosno strano pravno i fizičko lice (u daljem tekstu: osnivač) u svim oblicima svojine. Zakonom se može utvrditi da strano i pravno i fizičko lice ne može osnovati ustanovu za obavljanje određene djelatnosti.

##### Član 3.

Za obavljanje javne službe osniva se javna ustanova. Pod javnom službom, u smislu ove uredbe, podrazumijeva se radnja nesmetano obavljanje djelatnosti u javnom interesu Republike Bosne i Hercegovine (u daljem tekstu: Republika), opštine ili gradske zajednice.

Javna ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština opštine ili skupština gradske zajednice i vjerska zajednica, samostalno ili sa drugim pravnim odnosno fizičkim licem, kada nadležna skupština ocijeni da za njeno osnivanje postoji javni interes.

##### Član 4.

Radnici ostvaruju svoja prava u ustanovi, u skladu sa zakonom, kolektivnim ugovorom i pravilima ustanove.

#### II - OSNIVANJE USTANOVE

##### Član 5.

Ustanova se može osnovati ako su ispunjeni uslovi za osnivanje i početak rada ustanove, u skladu sa zakonom.

Sredstva za ispunjenje uslova iz stava 1. ovog člana obezbjeđuje osnivač.

##### Član 6.

Osnivač donosi akt o osnivanju ustanove.

Akt o osnivanju ustanove sadrži:

- 1 - naziv osnivača,
- 2 - naziv i sjedište ustanove,
- 3 - djelatnost ustanove,
- 4 - iznos sredstava za osnivanje i početak rada i način njihovog obezbjeđivanja,
- 5 - izvore i način obezbjeđivanja sredstava za rad ustanove,
- 6 - međusobna prava i obaveze između osnivača i ustanove,
- 7 - način raspolaganja viškom prihoda nad rashodima i način na koji se pokriva višak rashoda nad prihodima,
- 8 - prava, obaveze i odgovornost ustanove u pravnom prometu,
- 9 - lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- 10 - rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

##### Član 7.

Ustanovu mogu osnovati dva ili više osnivača. Ako ustanovu osniva dva ili više osnivača, njihova međusobna prava, obaveze i odgovornosti uređuju se ugovorom, koji se zaključuje u pismenoj formi.

##### Član 8.

Osnivač može prenijeti i obaveze osnivača na drugo pravno ili fizičko lice.

Aktom o prenošenju prava i obaveza osnivača uređuje se način zaštite prava korisnika usluga i druga pitanja od značaja za promjenu osnivača ustanove.

##### Član 9.

Ustanova ne može početi da obavlja djelatnost dok nadležni organ uprave koji vrši nadzor nad zakonitosti rada rješavanjem ne utvrdi da su ispunjeni uslovi utvrđeni zakonom.

#### III - DJELATNOST, STATUSNE PROMJENE I UDRUŽIVANJE USTANOVA

##### Član 10.

Ustanova može obavljati više djelatnosti iz člana 1. ove uredbe, ako ispunjava uslove utvrđene zakonom za svaku od tih djelatnosti.

Član 11.

Ustanova može, bez upisa u sudski registar, da obavlja privremenu djelatnost i privremenu aktivnost radi zbrinjavanja i zapošljavanja invalidnih lica, u manjem obimu ili povremeno, ukoliko ta djelatnost odnosno aktivnost služi ostvarivanju djelatnosti odnosno izvršavanju poslova rad. kojih je ustanova osnovana.

Član 12.

Ustanovi se mogu povjeriti javna ovlaštenja iz djelokruga organa državne uprave za vršenje i stručnih poslova, u skladu sa zakonom.

Član 13.

Pravilima ustanove može se utvrditi da dio ustanove ima određena ovlaštenja u pravnom prometu, kao i poseban obracun rezultata poslovanja, u skladu sa zakonom.

Dio ustanove iz stava 1. ovog člana nema svojstvo pravnog lica.

Član 14.

Ustanova može proširiti ili promijeniti djelatnost, kao i vršiti statusne promjene spajanje, pripajanje, podjelu i izdvajanje.

Odluku iz stava 1. ovog člana donosi osnivač.

Član 15.

Osnivači ustanova koje su se spojile odlučuju o preuzimanju prava i obaveza osnivača prema ustanovi koja je nastala spajanjem.

Osnivač ustanove koja se podijelila i ustanove iz koje se izdvoji dio u samostalnu ustanovu odlučuje o preuzimanju prava i obaveza osnivača prema ustanovama koje su nastale podjelom, odnosno prema ustanovi koja je nastala izdvajanjem.

Prava i obaveze osnivača prema ustanovi koja se pripojila drugoj ustanovi prestaju danom upisa akta o pripajanju u sudski registar.

U slučaju statusne promjene ustanove imovinske i druga prava i obaveze uređuju se ugovorom.

Član 16.

Ustanova može ugovorom povjeriti drugoj ustanovi, preduzeću ili fizičkom licu obavljanje administrativno-tehničkih i pomoćnih poslova, u skladu sa zakonom.

Član 17.

Zakonom se može propisati obaveza udruživanja ustanova u odgovarajući oblik udruživanja (u daljem tekstu: obavezni oblik udruživanja), njegova prava, obaveze, način sticanja sredstava za rad, način upravljanja i rukovođenja i druga pitanja.

Ustanove udružene u obavezni oblik udruživanja zadržavaju svojstvo pravnog lica.

Član 18.

Rad ustanova i obaveznog oblika udruživanja je javan.

**IV - SJEDIŠTE I NAZIV USTANOVE**

Član 19.

Sjedište ustanove je mjesto u kome se obavlja djelatnost radi koje je ustanova osnovana.

Ako se djelatnost obavlja u više mjesta, sjedištem se smatra mjesto koje je određeno pravilima ustanove.

Član 20.

Ustanova može promijeniti sjedište uz saglasnost osnivača.

Odluka o promjeni sjedišta ustanove donosi se na način utvrđen pravilima ustanove.

Član 21.

Naziv ustanove je ime pod kojim ustanova radi. Ustanova može promijeniti naziv, uz saglasnost osnivača.

Odluka o promjeni naziva ustanove donosi se na način utvrđen pravilima ustanove.

Pravilima ustanove može se utvrditi da dio ustanove iz člana 13. ove naredbe može, uz naziv ustanove, dodati i baži naziv tog dijela ustanove.

Član 22.

Naziv ustanove upućuje na djelatnost i sjedište ustanove. Ustanova može imati i skraćeni naziv.

Naziv i skraćeni naziv mora se isticati na ulazu u poslovne prostorije ustanove.

Član 23.

U naziv ustanove može se unijeti ime umrle istorijske ili druge znamenite ličnosti.

Za unošenje u naziv imena iz stava 1. ovog člana potrebno je dozvola organa uprave koji vrši nadzor nad zakonitostima rada ustanove, osim ako je jedan od osnivača Skupština opštine ili skupština gradske zajednice, kao i skraćeni naziv srodnika te ličnosti do trećeg stepena srodstva, ako zakonom ili drugim propisom nije drugačije određeno.

Na zahtjev organa uprave koji vrši nadzor nad zakonitostima rada ustanove ili srodnika iz stava 2. ovog člana nadležni sud odlučuje da se iz naziva ustanove briše ime umrle istorijske ili druge znamenite ličnosti, ako ocijeni da je načinom obavljanja djelatnosti ustanove ugled te ličnosti doveden u pitanje.

U naziv ustanove ne može se unijeti naziv Republike, opštine ili gradske zajednice, osim ako zakonom nije drugačije određeno.

**V - ORGAN UPRAVLJANJA, RUKOVOĐENJA I DRUGI ORGANI U USTANOVAMA**

Član 24.

Organ upravljanja u ustanovi je upravni odbor.

Organ rukovođenja u ustanovi je direktor, upravnik, dekan ili drugi odgovarajući poslovodni organ utvrđen zakonom (u daljem tekstu: direktor).

Organ kontrole poslovanja u ustanovi je nadzorni odbor.

Član 25.

Upravni odbor ima najmanje tri, a najviše devet članova. Predsjednika i članove upravnog odbora imenuje i razrješava osnivač.

Predsjednika i članove upravnog odbora javne ustanove imenuje i razrješava, u ime osnivača, Vlada Republike Bosne i Hercegovine (u daljem tekstu: Vlada RBiH), izvršni organ opštine ili izvršni organ gradske zajednice.

Jedna trećina članova upravnog odbora, po pravilu, imenuje se iz reda stručnih radnika zaposlenih u ustanovi.

Predsjednik i članovi upravnog odbora imenuju se za vrijeme od četiri godine i mogu biti ponovno imenovani.

Direktor ustanove ne može biti član upravnog odbora. Broj članova upravnog odbora bliže se određuje pravilima ustanove, u skladu sa zakonom ili aktom o osnivanju ustanove.

Član 26.

Osnivač odnosno Vlada RBiH, izvršni organ opštine ili izvršni organ gradske zajednice može razrješiti predsjednika i člana upravnog odbora i prije vremena za koje je imenovan, ako utvrdi da je odgovoran za neuspjeh ili nezakoniti rad ustanove, na njegov lični zahtjev i u drugim slučajevima utvrdjenim zakonom i pravilima ustanove.

Član 27.

- Upravni odbor:**
- donosi pravila ustanove,
  - imenuje i razrješava direktora,
  - utvrđuje planove rada i razvoja,
  - utvrđuje godišnji program rada,
  - donosi finansijski plan i usvaja godišnji obračun,
  - donosi opšti akt o unutrašnjoj organizaciji i sistematizaciji poslova i druge opšte akte, u skladu sa zakonom i pravilima ustanove,
  - odlučuje o svim pitanjima obavljanja djelatnosti ustanove, ako zakonom nije određeno drugačije.

## Izvod iz Zakona o zdravstvenoj zaštiti član 53.

zdravstvenog osiguranja kantona, kao i uz prethodnu u skladu sast federalnog ministra u skladu sa osnovnim paketom zdravstvenih prava.

Odluku o izboru najuspješnijeg ponuđača donosi zavod zdravstvenog osiguranja iz stava 1. ovog člana i zaključuje ugovor sa zdravstvenim ustanovama, odnosno privatnim zdravstvenim radnikom.

### Osnivanje i organiziranje zdravstvenih ustanova

#### Član 53.

Zdravstvenu djelatnost obavljaju zdravstvene ustanove koje osniva Federacija, kanton odnosno općina, te domaća i strana fizička ili pravna lica u svim oblicima svojine.

Federacija je osnivač federalnih zavoda iz člana 43. stav 1. ovog zakona.

Jedan ili više kantona i Federacija, zajedno, mogu biti osnivači univerzitetsko-kliničke bolnice i zavoda.

Kanton može biti osnivač: bolnice, lječilišta, zavoda za javno zdravstvo kantona, zavoda za medicinu rada kantona, zavoda za bolesti ovisnosti kantona, zavoda kao specijalizirane zdravstvene ustanove, doma zdravlja, apoteke, ustanove za hitnu medicinsku pomoć i ustanove za zdravstvenu njegu u kući.

Općina može biti osnivač doma zdravlja, ustanove za zdravstvenu njegu u kući i apoteke.

Domaća i strana fizička, odnosno pravna lica mogu biti osnivači: poliklinike, opće bolnice, specijalne bolnice, lječilišta, apoteke, ustanove za zdravstvenu njegu u kući, ustanove za palijativnu njegu, centra za dijalizu i zavoda kao specijalizovane zdravstvene ustanove u svim oblicima svojine.

Kantonalnim propisima može se bliže odrediti osnivanje zdravstvenih ustanova na primarnom nivou zdravstvene zaštite.

#### Član 54.

Osnivač zdravstvenih ustanova u vlasništvu Federacije je Parlament Federacije BiH.

Osnivač zdravstvenih ustanova u vlasništvu kantona je zakonodavno tijelo kantona.

Osnivač zdravstvenih ustanova u vlasništvu općine je općinsko vijeće.

#### Član 55.

Zdravstvena ustanova može obavljati zdravstvenu djelatnost ako ispunjava uvjete propisane ovim zakonom i to:

- 1) ako ima uposlene zdravstvene radnike odgovarajućeg stepena stručne spreme sa položenim stručnim ispitom, licencom izdatom od nadležne komore, a za obavljanje određenih poslova i sa odgovarajućom specijalizacijom ili naučnim, odnosno nastavnim zvanjem;
- 2) ako ima dijagnostičku, terapijsku i drugu opremu za sigurno i savremeno pružanje zdravstvene zaštite za djelatnost za koju je osnovana;
- 3) ako ima odgovarajuće prostorije za prijem oboljelih, odnosno zdravih osoba, za obavljanje dijagnostičkih i terapijskih postupaka liječenja i smještaj pacijenata, kao i za čuvanje lijekova i medicinskih sredstava;
- 4) ako ima odgovarajuće vrste i količine lijekova i medicinskih sredstava koje su potrebne za obavljanje određene zdravstvene djelatnosti za koju se zdravstvena ustanova osniva;
- 5) uspostavljen sistem sigurnosnih standarda u zdravstvenim ustanovama;
- 6) uspostavljen sistem upravljanja medicinskim otpadom u skladu sa važećim standardima, kao i posebnim propisima koji reguliraju ovu oblast.

Dvije ili više zdravstvenih ustanova mogu organizirati zajedničke medicinske službe za laboratorijsku, rendgen i drugu dijagnostiku, kao i zajedničke nemedicinske službe za pravne, ekonomsko-finansijske, tehničke i druge poslove ili ugovoriti obavljanje ovih poslova sa pravnim ili fizičkim licem koje ispunjava uvjete predviđene zakonom za obavljanje navedenih djelatnosti i ima odobrenje nadležnog organa.

AKAZ je dužan definirati sistem sigurnosnih standarda u zdravstvenim ustanovama iz tačke 5) stav 1. ovog člana, te obavljati kontinuirano praćenje i procjenu sigurnosnih standarda u zdravstvenim ustanovama, što uključuje i izdavanje certifikata o zadovoljenju standarda sigurnosti.

Bliži uvjeti u pogledu prostora, opreme i kadra za osnivanje i obavljanje zdravstvene djelatnosti zdravstvenih ustanova iz stava 1. ovog člana utvrđuju se pravilnikom federalnog ministra.

Zdravstvena ustanova koja koristi izvore jonizujućih zračenja mora pored uvjeta iz st. 1. i 3. ovog člana ispunjavati i druge uvjete utvrđene propisom kojim se uređuje zaštita od radijacione i nuklearne sigurnosti, kao i podzakonskim aktima donijetim na osnovu tog propisa, te imati odobrenje nadležne državne agencije za radijacionu i nuklearnu sigurnost.

#### Član 56.

Prilikom osnivanja zdravstvene ustanove obaveza osnivača zdravstvene ustanove je da priloži mišljenje o opravdanosti osnivanja zdravstvene ustanove.

Mišljenje o opravdanosti osnivanja zdravstvene ustanove u djelatnosti primarne zdravstvene djelatnosti, specijalističko-konsultativne zdravstvene djelatnosti, odnosno u djelatnosti bolničke zdravstvene djelatnosti daje zavod za javno zdravstvo kantona, odnosno Federacije i nadležna komora.

Zavod za javno zdravstvo mišljenje iz stava 2. ovog člana daje na osnovu stručnih principa o organizaciji i ekonomici zdravstva, dok nadležna komora mišljenje daje sa aspekta zaštite i očuvanja profesije koju zastupa.

U slučaju da se ustanova osniva za djelatnosti koje su iz domena više komora potrebno je pribaviti mišljenje svih nadležnih komora.

#### Član 57.

Zdravstvena ustanova može obavljati zdravstvenu djelatnost ako nadležno ministarstvo zdravstva rješenjem utvrdi da su ispunjeni uvjeti propisani zakonom za obavljanje zdravstvene djelatnosti.

Ispunjenost uvjeta za zdravstvene ustanove iz člana 53. st. 2. i 3. ovog zakona rješenjem utvrđuje federalni ministar.

Ispunjenost uvjeta za zdravstvene ustanove iz člana 53. st. 4., 5. i 6. ovog zakona rješenjem utvrđuje nadležni kantonalni ministar.

Zdravstvena ustanova može obavljati samo zdravstvenu djelatnost koja je utvrđena rješenjem nadležnog ministra zdravstva o ispunjenosti uvjeta za obavljanje zdravstvene djelatnosti.

Na osnovu rješenja o ispunjenosti uvjeta za obavljanje zdravstvene djelatnosti i osnivačkog akta, zdravstvena ustanova upisuje se u registar kod nadležnog suda u skladu sa propisima o registraciji ustanova u Federaciji.

Zdravstvena ustanova počinje raditi danom upisa u registar iz stava 5. ovog člana.

#### Član 58.

Odredbe čl. 56. i 57. ovog zakona primjenjuju se i u slučaju proširenja ili promjene zdravstvene djelatnosti.

#### Član 59.

Promjena ili proširenje djelatnosti zdravstvene ustanove čiji je osnivač, odnosno suosnivač Federacija, kanton odnosno općina ne može se obaviti bez saglasnosti nadležnog ministra zdravstva.

Saglasnost iz stava 1. ovog člana izdaje se u formi rješenja. Protiv rješenja iz stava 2. ovog člana koje donosi kantonalni ministar može se izjaviti žalba federalnom ministru u roku od 15 dana od dana prijema rješenja.

Rješenje iz stava 2. ovog člana koje donosi federalni ministar je konačno u upravnom postupku i protiv njega se može pokrenuti upravni spor u skladu sa propisom o upravnim sporovima.

#### Član 60.

Zdravstvena ustanova prestaje raditi ako:

# Izvod iz Zakona o apotekarskoj djelatnosti

## član 11.

Srijeda, 14.7.2010.

SLUŽBENE NOVINE FEDERACIJE BiH

Broj 40 – Stranica 87

- vrši snabdijevanje lijekovima za potrebe zdravstvenih ustanova u kojima je osnovana, a s ciljem liječenja pacijenata u osiguranja racionalne i efikasne farmakoterapije;
- e) **galenska laboratorija** je laboratorija u kojoj se izrađuju galenski lijekovi prema važećoj farmakopeji i drugim magistralnim propisima, a koji su namijenjeni za izdavanje isključivo u apoteci kao zdravstvenoj ustanovi u čijem se sastavu nalazi ta galenska laboratorija;
  - f) **licenca** je javna isprava koju izdaje farmaceutska komora, odnosno druga nadležna komora, na osnovu koje magistar farmacije, odnosno farmaceutski tehničar stiče pravo za samostalno obavljanje apotekarske djelatnosti;
  - g) **recept** je javna isprava propisanog oblika i sadržaja koji mogu propisati samo ovlašteni doktori medicine i doktori stomatologije odnosno porodični doktori u primarnoj zdravstvenoj zaštiti, te ovlašteni specijalisti doktori medicine i doktori stomatologije u primarnoj zdravstvenoj zaštiti, kao i ovlašteni specijalisti u hitnoj medicinskoj pomoći, koji posjeduju licencu za obavljanje profesionalne djelatnosti;
  - h) **interventni uvoz** je uvoz lijekova koji nemaju dozvolu za stavljanje u promet izdatu od Agencije za lijekove i medicinska sredstva Bosne i Hercegovine (u daljnjem tekstu: Agencija) i koji se uvoze, saglasno državnom Zakonu, u slučajevima: hitnog uvoza za potrebe pojedinačnog liječenja, na prijedlog zdravstvene ustanove; hitnog potrebnog uvoza ograničenih količina lijekova koji nemaju dozvolu za stavljanje u promet, a nužni su za zaštitu zdravlja stanovništva, na prijedlog zdravstvene ustanove; hitnog uvoza lijeka humanitarnog porijekla i uvoza lijekova potrebnih za naučnoistraživački rad;
  - i) **dežurstvo** je poseban oblik rada magistra farmacije u zdravstvenoj ustanovi poslije isteka redovnog radnog vremena;
  - j) **pripravnost** je poseban oblik rada, kada magistar farmacije ne mora biti u zdravstvenoj ustanovi, ali mora biti dostupan radi pružanja hitne apotekarske usluge i
  - k) **farmaceutski otpad** je otpad koji nastaje u obavljanju apotekarske djelatnosti i koji je kategorisan prema kategorijama iz kataloga farmaceutskog otpada.

### Član 6.

U obavljanju apotekarske djelatnosti magistri farmacije, u saradnji s drugim zdravstvenim radnicima, provode apotekarsku zdravstvenu zaštitu u cilju postizanja boljih farmakoterapijskih efekata i promocije racionalne upotrebe lijekova, te aktivno učestvuju u sprječavanju bolesti i zaštiti zdravlja.

Apotekarska zdravstvena zaštita iz stava 1. ovog člana obuhvata:

- unapređivanje farmakoterapijskih postupaka i postizanje terapijskih ciljeva,
- unapređenje racionalnog i ekonomičnog propisivanja lijekova i pravilne upotrebe,
- praćenje, preduzimanje mjera za izbjegavanje ili smanjivanje nuspojava lijekova i medicinskih sredstava,
- izbjegavanje interakcija, terapijskog dupliranja ili pojave alergija,
- poboljšanje efekta kliničkog liječenja,
- provođenje preventivnih mjera očuvanja i zaštite zdravlja iz člana 4. tačka 7. ovog zakona, u skladu sa medicinskom doktrinom,
- ostvarivanje saradnje sa drugim zdravstvenim radnicima, posebno liječnicima,
- obavljanje i drugih poslova i zadataka utvrđenih propisima donijetim na osnovu ovog zakona, kao i poslova i zadataka utvrđenih državnim Zakonom, te propisima o zdravstvenoj zaštiti i zdravstvenom osiguranju.

### Član 7.

Pod snabdijevanjem lijekovima podrazumijeva se promet lijekovima na malo koji obuhvata naručivanje, čuvanje pod propisanim režimom, izdavanje i distribuciju lijekova na recept i bez recepta, kao i izradu, ispitivanje i izdavanje magistralnih i galenskih lijekova.

Pod prometom lijekova na malo u smislu stava 1. ovog člana, podrazumijeva se i primjena lijekova u zdravstvenim ustanovama, i to ambulantom primarne zdravstvene zaštite, bolničkim odjelima, kao i u drugim zdravstvenim ustanovama iz člana 3. stav 3. ovog zakona.

Ambulante, bolnički odjeli i druge zdravstvene ustanove iz stava 2. ovog člana snabdijevaju se lijekovima i medicinskim sredstvima preko apoteka odnosno bolničkih apoteka.

Nije dopušten promet lijekovima na malo izvan organizacionih oblika utvrđenih u članu 3. st. 2. i 3. ovog zakona.

### Član 8.

Lijek koji se nalazi u prometu mora imati dozvolu za stavljanje lijeka u promet izdatu od Agencije saglasno državnom Zakonu.

Lijek koji se nalazi u prometu mora biti označen na vanjskom odnosno unutrašnjem pakovanju saglasno odredbama državnog Zakona.

Izuzetno, od stava 1. ovog člana, može se prometovati i lijekom koji nema dozvolu za stavljanje lijeka u promet izdatu od Agencije, ako se predmetni lijek nabavlja u slučajevima intervjentnog uvoza.

Uslovi i načini uvoza lijekova koji nemaju dozvolu za stavljanje u promet bliže se određuju pravilnikom federalnog ministra.

### Član 9.

Pod snabdijevanjem medicinskim sredstvima podrazumijeva se promet medicinskih sredstava na malo koje obuhvata naručivanje, čuvanje pod propisanim uslovima i izdavanje medicinskih sredstava i koje se obavlja u apotekama, ograncima apoteka, depoima, bolničkim apotekama, apotekama u privatnoj praksi i specijalizovanim trgovinama za promet medicinskih sredstava na malo.

Izuzetno, od stava 1. ovog člana, u bolničkim apotekama vrši se nabavka, čuvanje i izdavanje medicinskih sredstava za potrebe pacijenata u zdravstvenoj ustanovi na sekundarnom i tercijarnom nivou zdravstvene zaštite.

### Član 10.

Medicinsko sredstvo koje se nalazi u prometu na malo mora ispunjavati opšte i posebne zahtjeve, imati certifikat o usklađenosti i oznaku o usklađenosti u smislu odredbi državnog Zakona.

## III. OSNIVANJE I ORGANIZOVANJE APOTEKARSKE DJELATNOSTI

### Apoteka zdravstvena ustanova

#### Član 11.

Apoteku zdravstvenu ustanovu može osnovati općina, kanton, domaće i strano fizičko, odnosno pravno lice u svim oblicima svojine.

Kantonaim propisima može se bliže odrediti osnivanje apotke kao zdravstvene ustanove na primarnom nivou zdravstvene zaštite, saglasno propisima o zdravstvenoj zaštiti.

#### Član 12.

Apoteka zdravstvena ustanova može obavljati apotekarsku djelatnost, ako ispunjava uslove propisane ovim zakonom, i to:

- 1) ako ima uposlene apotekarske radnike odgovarajućeg stepena stručne spreme, sa položenim stručnim ispitom, a za obavljanje određenih poslova i sa odgovarajućom specijalizacijom;
- 2) ako ima odgovarajući prostor i opremu za obavljanje apotekarske djelatnosti;

# Izvod iz osnivačkog akta JU "Apoteke Sarajevo"

## član 6.

### SLUŽBENE NOVINE KANTONA SARAJEVO

Ponedjeljak, 5. marta 2012.

Broj 7 – Strana 25

#### ODLUKU O PREUZIMANJU PRAVA I OBAVEZA OSNIVAČA I USKLADIVANJU ORGANIZACIJE I POSLOVANJA JAVNE USTANOVE "APOTEKE SARAJEVO"

##### DIO PRVI - UVODNI DIO

###### Član 1. (Osnivač)

- (1) Skupština Kantona Sarajevo (u daljem tekstu: Osnivač) je Osnivač Javne ustanove "Apoteke Sarajevo" koja je osnovana u cilju obavljanja farmaceutske djelatnosti i osiguranja snabdijevanja stanovništva, zdravstvenih ustanova i zdravstvenih radnika koji obavljaju privatnu praksu, lijekovima i medicinskim sredstvima.
- (2) Ovom odlukom vrši se preuzimanje prava i obaveza Osnivača i uskladjivanje organizacije i poslovanja Javne ustanove "Apoteke Sarajevo" sa odredbama Zakona o apotekarskoj djelatnosti ("Službene novine Federacije BiH", broj 40/10) i Zakona o zdravstvenoj zaštiti ("Službene novine Federacije BiH", broj 46/10), (u daljem tekstu: Federalni zakon).

###### Član 2. (Naziv i sjedište)

- (1) Apoteka iz člana 1. stava (1) ove odluke nastavlja sa radom i posluje pod nazivom: Javna ustanova "Apoteke Sarajevo" (u daljem tekstu: Apoteka), u državnoj svojini.
- (2) Sjedište Apoteke je u Sarajevu, ulica Saliha Hadžihuseinovića Muvekite broj 11.

###### Član 3. (Status pravnog lica)

Apoteka ima svojstvo pravnog lica i upisana je u sudski registar kod nadležnog suda u Sarajevu.

###### Član 4. (Djelatnost)

- (1) Djelatnost Apoteke je obavljanje farmaceutske djelatnosti na primarnom nivou, a koja obuhvata slijedeće:
  - a) snabdijevanje lijekovima i medicinskim sredstvima;
  - b) snabdijevanje herbalnim lijekovima i herbalnim supstancama;
  - c) snabdijevanje homeopatskim lijekovima;
  - d) izrada i snabdijevanje magistralnim i galenskim lijekovima;
  - e) snabdijevanje dječijom hranom i dječijom opremom, kao i djetetskim proizvodima;
  - f) snabdijevanje kozmetičkim i drugim sredstvima za njegu i očuvanje zdravlja;
  - g) savjetovanje u vezi pravilne primjene lijekova, medicinskih sredstava, herbalnih i homeopatskih lijekova, kozmetičkih i djetetskih proizvoda;
  - h) pružanje dodatnih usluga u svrhu provođenja preventivnih mjera za očuvanje i zaštitu zdravlja stanovništva, a koje podrazumijeva mjerenje određenih parametara koje pacijenti mogu i samostalno odrediti u postupku samokontrole, pri čemu ove usluge imaju savjetodavni karakter i ne pružaju se u svrhu postavljanja dijagnoze kao što su mjerenje šećera u krvi, krvnog pritiska, težine i sl;
- (2) U skladu sa Odlukom o klasifikaciji djelatnosti Bosne i Hercegovine 2010 ("Službeni glasnik BiH", broj 47/10), djelatnost Apoteke obuhvata slijedeće razrede:
  - a) 21.10 - Proizvodnja osnovnih farmaceutskih proizvoda
  - b) 21.20 - Proizvodnja farmaceutskih preparata
  - c) 21.42 - Proizvodnja parfema i toaletno-kozmetičkih preparata
  - d) 46.45 - Trgovina na veliko parfemima i kozmetikom
  - e) 46.46 - Trgovina na veliko farmaceutskim proizvodima
  - f) 47.73 - Djelatnost Apoteke

- g) 47.74 - Trgovina na malo medicinskim preparatima i ortopedskim pomagalicama u specijalizovanim prodavnicama
- h) 47.75 - Trgovina na malo kozmetičkim i toaletnim proizvodima u specijalizovanim prodavnicama
- i) 63.11 - Obrada podataka
- j) 86.90 - Ostale djelatnosti zdravstvene zaštite.

###### Član 5. (Statut Apoteke)

- (1) Statut je osnovni opći akt Apoteke, koji donosi Upravni odbor Apoteke uz obaveznu saglasnost Osnivača.
- (2) Statutom Apoteke se uređuju osnovna pitanja vezana za rad Apoteke i to:
  - a) naziv i sjedište Osnivača Apoteke;
  - b) naziv i sjedište Apoteke;
  - c) djelatnost Apoteke;
  - d) izvor i način obezbjeđenja sredstava za rad Apoteke;
  - e) način raspolaganja viškom prihoda nad rashodima i način na koji se pokriva višak rashoda nad приходima;
  - f) prava i obaveze Osnivača u pogledu obavljanja djelatnosti zbog koje je Apoteka osnovana;
  - g) međusobna prava i obaveze Apoteke i Osnivača;
  - h) imenovanje direktora i organa upravljanja Apoteke;
  - i) stručna tijela Apoteke, mandat članova stručnih tijela, način izbora i finansiranje;
  - j) lice koje će do imenovanja direktora Apoteke obavljati poslove i vršiti ovlaštenja direktora;
  - k) druga pitanja od značaja za rad Apoteke.

###### Član 6. (Statusne promjene i promjena djelatnosti)

- (1) Apoteka ne može vršiti statusne promjene (promjena naziva, sjedišta i druge promjene utvrđene zakonom), bez saglasnosti Osnivača.
- (2) Promjenu ili proširenje djelatnosti Apoteka ne može obaviti bez saglasnosti ministra zdravstva Kantona Sarajevo, (u daljem tekstu: ministar), koja se daje u formi rješenja, a na način i u postupku propisanim Federalnim zakonom.

###### Član 7. (Unutrašnja organizacija)

- (1) Apoteka može u svom sastavu organizovati slijedeće organizacione jedinice: ogranak apoteke, depo, galensku laboratoriju. Navedene organizacione jedinice nemaju svojstvo pravnog lica.

###### Član 8. (Prava i obaveze Apoteke)

- (1) Danom stupanja na snagu ove odluke Apoteka zadržava objekte i opremu na korištenje, zaposlenike, odnosno sva prava i obaveze JU "Apoteke Sarajevo".
- (2) Objekti i oprema iz stava (1) ovog člana su svojina Osnivača.

###### Član 9. (Zakup)

- (1) Apoteka može dio svojih zdravstvenih i nezdavstvenih kapaciteta (prostor i opremu) izdati u zakup, ukoliko to ne remeti obavljanje djelatnosti Apoteke.
- (2) Upravni odbor Apoteke svake kalendarske godine odlukom utvrđuje višak zdravstvenog i nezdavstvenog prostora, a uz prethodno pribavljeno pozitivno mišljenje ministra.
- (3) Nakon pribavljenog pozitivnog mišljenja ministra i odluke Upravnog odbora Apoteke, direktor Apoteke raspisuje javni oglas za prikupljanje ponuda za davanje u zakup jedinica zakupa, u skladu sa Federalnim zakonom i drugim propisima koji regulišu ovu oblast, kao i propisima koji regulišu oblast javnih nabavki.